



太師誠意伯劉文成公集卷之十七

後學麗水何鏗編校

五言絕句

題梅屏二絕

樹杪過流星輕霜落半庭  
疎花與孤客相對一青燈  
獨酌梅花下憐花與鬢同  
折花還插鬢顛倒笑東風

題小畫

庭前綠荷葉香氣濃於酒  
疎雨忽飛來的鑠明珠走

春晚

疎雨隨風過輕寒薄暮歸  
猶憐數花朵辛苦駐春暉



遣興

於越三年客思家一百句如何今夜月却憶鏡湖春

歲晏

歲晏悲風急空江白晝陰黃蘆與紅蓼無處不傷心

途中見去鴈

昔與鴈同歸今來鴈北飛殷勤祝過鴈來往莫相違

漫成九首

春晚正堪睡嫌他牕上明無端雙楚雀又向屋頭鳴  
明月圓復缺春風去不來淚隨花雨落點點在蒼苔  
昨夜三更裏還鄉夢却成朦朧半驚覺連喚小兒名

日暮庭陰合斜陽復照簷不禁風絮亂寂寞掩重簾  
病身勞應接長日掩雙扉燕子來何晚春歸寒未歸  
炎赫迎新節綈袍洗未乾那知一夜雨更作九秋寒  
萱草花空發丁香子又生浮雲無處所孤月不須明  
淚為看花落愁因對酒多良辰不再得衰莫欲如何  
望帝千年鬼聲聲是淚流空庭無竹樹省得一春愁

題墨竹

風梢舞空烟露葉滴晴月折取寄情人感此歲寒節

六言絕句

題山水小畫二首

鄂渚輕舟未發瀟湘倦客多愁可恨一江春水無情日夜東流

碧草桃源路斷紫芝商嶺雲深高樹月明啼鴉一聲一度傷心

題畫竹

葉間露猶滴林表寒烟未開想見沅湘江上月明環佩歸來

七言絕句

題畫梅

天桃能紫杏能紅滿面塵埃怯晚風爭似羅浮山磻底一枝

清冷月明中

讀史有感

千古懷沙恨逐臣章臺遺事最酸辛可憐日暮高唐夢統盡行雲不到秦

分賦臺

突兀高臺紫土成人言暴客此分羸飲泉清節今寒落可但梁山獨擅名

漫成

階下青苔砌上莎春深烟雨自相和幽蘭生在空山裏縱有清香柰爾何

春雨三絕句

春雨和風細細來  
園林取次發枯荑  
古墻芳草無生處  
一滴還成一點苔

翠麥黃花爛熳春  
蒼顏皓首別離人  
相看一笑渾成夢  
又見汀洲老白蘋

一雨如膏五日泥  
長烟不散草萋萋  
殷勤分付墻邊柳  
為挽流鶯自在啼

秋興二首

嫋嫋西風起  
白蘋妖紅媚  
綠看成塵九衢  
車馬如流水  
盡是邯鄲夢裏人

梁間燕子去悠悠  
絡繹寒蟬管領秋  
誰遣莊周化胡蝶  
不勝憔悴為花愁

題梧桐折枝帶毛圖

瓊柯碧葉兩參差  
又見西風白露時  
鳳鳥不來嘉實晚  
小禽啣上最高枝

題竹根小禽圖

竹露無聲墜碧柯  
小禽相對啄秋莎  
江湖鴈鷺肥梁稻  
繒繳連天雨霧多

題畫貓

碧眼烏圓食有魚  
仰看胡蝶坐階除  
春風漾漾吹花影  
一任

東郊鼠化鴛

過閩關

天上絲綸啓玉封  
歡聲雷動八州同  
閩江渺渺通炎海  
添作恩波到日東

題竹木石圖 二首

凌霜傲雪無人問  
拂水梢雲意自閑  
願就姮娥借明月  
卧看鸞鳳舞空山

古木蕭森傍水隈  
鳳凰飛去不飛回  
披烟細看蒼葭葉  
知是湘君淚濕來

題蟹 二首

殼鬪犀函手闢兵  
沙堤潮落可橫行  
稻根香軟蘆根美  
未竟江山酒興生

擁劍橫行氣象豪  
渾疑縑素是波濤  
能令吻角流饒沫  
莫向窓前吃老饕

題枯木圖

幹排風雨三千尺  
根老氷泉八百年  
不用江頭喚元緒  
何妨湖上識神仙

題陳太初畫扇

炎天玉爍水銀流  
琴上薰風可解憂  
不負吾皇麟趾意  
只今誰是富民侯

詠史

姦雄盜竊幸傾危只道冥冥便可欺  
想得民心思漢日正當  
楊子劇秦時

遣興

一炷清香一卷書此身安處是吾廬  
綠槐翠栢宜長日門外  
何須長者車

題明皇幸蜀圖

斜陽慘淡照霓旗石棧縈紆僕馬羸  
想得林間子規鳥斷崖  
青壁亦相隨

裂帛聲中發禍機白華歌斷草菲菲  
可憐蜀道三軍恨不記

他年武惠妃

題柯敬仲墨竹

蒼龍倒掛不入地回首却攀雲  
上天夜深雲散明月出化作  
脩篁舞翠烟

移梅亭

貫石稍雲一樹梅誰教移向畫堂栽  
月涼夜色清如水其那  
樓頭玉笛哀

題趙仲穆畫眉圖

有美清揚婉且閑橫雲吐月闌  
鸞環平生不識張京兆却對  
粧臺寫遠山

含簧如管細相和語困春風意更多驚起佳人應有恨雙蛾  
感損不成歌

題畫山水

澹澹輕烟暮半林涓涓飛瀑瀉遙岑偶然坐石觀流水不記  
還山路淺深

題石末元帥扇上有陳太初畫松

老松根幹如鐵石般匠不知空谷深求夜高風吹萬竅商聲  
滿地作龍吟

題渭橋圖

百戰平城憤未銷武皇赫怒屬天驕可憐陵樹秋風後貂帽

駝裘拜渭橋

皆春亭

草色青青日色黃暖烟烘露百花香曉窓夢入桃園去驚覺  
啼鴛在綠楊

題小景

江頭日日起西風江樹驚寒葉變紅天澹雲低何處鴈一行  
飛下荻花中

題梅花小禽圖

三鳥翩翩海上來一雙飛去入瑩臺可憐銀羽空山裏獨立  
寒枝怨野梅

題湖山烟雨圖

湖上青山烟雨寒湖中一棹欲歸難  
白蘋自老東風裏腸斷黃昏獨倚闌

若耶溪上雨聲來素望山前霧不開  
欲渡鏡湖尋禹宅蒼藤翠木斷猿哀

次韻和王文明絕句漫興十八首

芙蓉湖上夕陽低楊柳枝頭一鳥棲  
獨倚闌干看山色白雲飛過若耶溪

年華如水去堂堂何處無愁不斷腸  
天上群僊風雨外人間明月夜淒涼

解印淵明柳映門床頭酒盡卧空尊  
愬風吹破羲皇夢閑看山雲起石根

竹根草葉垂書帶苔面蠅涎學篆文  
坐到博山香燼歇不知新月出微雲

眼見繁花開滿林即看嫩葉綠成陰  
杜鵑啼落西山月一夜相思萬里心

澹澹輕風吟透衣冥冥細雨客思歸  
若為化得遼東鶴遠逐浮雲汗漫飛

天邊雲氣來須女湖上輕雷起少男  
一陣微涼疎雨過滿池蓮蓋綠如簪

風翻竹箨空林響  
雨絕蛛絲落蓋懸  
長日掩關無客到  
一眉山水對嬋娟

江北江南幾驛亭  
可憐疆半草青青  
夜涼月白西湖水  
坐看三台上將星

舊游何處渺煙蘿  
幾度相思夢玉珂  
莫向天涯苦回首  
野猿木客恣經過

東海鯨鯢倒百川  
西江波浪阻征舡  
誰能散髮空山裏  
學取希夷石上眠

夢裏分明到廣寒  
夢回月落斗闌干  
碧桃吹盡無人覺  
滿袖西風涕泗漣

曉晴何處一黃鸝  
飛上花枝款款啼  
獨坐小窻歌伎木  
偶然懷古憶祈奚

釣得槎頭縮頸魚  
隔墻有酒貫錢沽  
近來酒價如珠玉  
獨飲千錢不要扶

樓頭新月闌弓彎  
樓外青山對客閑  
深夜忽然思往事  
夢隨孤鶴遶雲間

一自江淮作戰場  
城池無處不金湯  
轅門須識黃公略  
莫與蕭娘競粉粧

草廬不枉達官車  
長日惟消蒲架書  
睡足北牕清似水  
數聲殘角起城烏

故鄉蛇豕蒲柴荆異域風塵嘆此生至竟迂狂成渡落可憐  
天地一浮萍

題美人書紅葉圖

紅葉隨波豈自由綵毫空復寫綢繆無人解識詩中意天上  
塵間總是愁

送鮑生之閩中

青青芳草夾長堤漠漠輕煙送馬蹄他日相思建溪上棠梨  
花發鷓鴣啼

題米氏小景二首

陌上春風紫翠重烟含汀樹淡還濃夜來水漲溪橋斷應是

雷霆起蟄龍

春霧昏昏雨散絲溪流拍岸小橋危猿啼鳥叫山鬼出正是  
行人腸斷時

題安石蒲葵圖

東山導騎出巖阿能使枯蒲貴綺羅却恨卞和無祿位中宵  
抱玉淚成河

題滄江獨釣圖

山繞滄江一釣舡又隨斜日下長川小魚不食大魚去風定  
遠林生白烟

題二喬圖

江上桃花紅粉腮  
偶然吹入玉堂來  
東風日暮和烟雨  
多少飄零委綠苔

題小畫

夕陽山下水鱗鱗  
一葉輕舟釣白蘋  
謾道江湖堪浪跡  
荻花風雨更愁人

惆悵二首

紫薇花樹小樓東  
日炙霞蒸似錦紅  
過了春風到秋露  
可堪零落碧苔中

與君為別幾清秋  
鴻鴈來時輒上樓  
今日倚樓無鴈過  
斷腸風水隔瀛洲

次韻和石末公見寄五絕

榎楠割截為椽杙  
歲暮搜材到柞薪  
悵望無因見夏后  
再平水土叙癸倫

廟略能回十萬夫  
詩書卻穀近來無  
何由入奏明光殿  
指點山河一統圖

春浦郊原樂意融  
野花庭草競纖穠  
惟餘陵上青青柏  
不向東風改舊容

越溪清水淬干將  
鬼魅驚啼畏夜光  
不共鉛刀爭利鈍  
何妨玉匣且深藏

漢殿千門錦繡開  
不堪一夜柏梁災  
魯般骨朽蕭何死  
賜斷

無人為取材

過蘇州九首

姑蘇臺下垂楊柳曾為張王護禁城今日淡烟芳草裏暮蟬  
猶作管絃聲

姑蘇臺下垂楊柳落葉蕭蕭日暮風天地山河有真主迎來  
送往總成空

憶昔吳宮無事時浦城楊柳舞西施如今柳盡西施死恨殺  
當年陌上兒

陌上清歌最可聽誰知此是斷腸聲就中更有楊枝曲恨殺  
昏鴉及曉鶯

虎丘山下月朦朧閶闔門前動地風子夜一聲琴一闕杜鵑  
聲在碧雲中

燈映前牕紙不鳴四隣無語犬號聲南陽已起為霖了何用  
人間更得名

浦地寒風蒲面塵荒烟白草舊通津晏安醜毒俱亡國可但  
西施解恨人

成敗由天衆所知烏江拔劍更何疑誰言碧海刺蛟手也學  
臨春井底兒

小雨如膏漬陌塵一溝寒碧曉生鱗餘年已自無多子更向  
途中見早春

題畫菜戲呈石末公

列鼎羔羊厭膾肥  
園官菜把莫嫌微  
年來騎士工隳突  
此物人間亦見稀

漢世祖

白水龍飛紹赤精  
鳴鳧盡入太官羹  
三驅只貸樊崇死  
侯印應慙不義名

涼夜

瀟瀟涼雨瀉簷瀧  
聒聒鳴蛙似吠龐  
惟有露螢憐寂寞  
却將光景到書牕

五月十九日大雨

風驅急雨灑高城  
雲壓輕雷殷地聲  
雨過不知龍去處  
一池草色萬蛙鳴

次韻和石末公二絕

橐裏金多嫂自迎  
殼中珠滿蚌能明  
文犀亦有通靈角  
天上龍影盡可撈

徒聞彈缺怨無魚  
未見蕪程貢蠟書  
四海城池總完壁  
只今誰是蘭相如

白塔寺

物換星移事已迷  
從來此地惑東西  
可憐如鏡中天月  
獨照城烏夜夜啼

題風中水仙花圖

癡妬封家十八姨，不爭好惡故相欺。  
沅湘日暮波濤起，翠蕩瑤翻欲渡遲。

送醫士賈思誠還浙東二首

西風嫋嫋水鱗鱗，一曲離歌淚滿巾。  
殘柳數株鷗數點，夕陽江上送歸人。

落木長亭獨客回，寒驢聊可當駑駘。  
還山須種千株杏，等待仙華道士來。

絕句漫興七首

一歲三春好景光，紛紛紅紫競芬芳。  
芙蓉亦有傾城色，不見

東風却拒霜

風散螢光夜未分，隔窓涼雨落紛紛。  
秋衾不與還鄉夢，征雁南來獨自聞。

碧瓦涼生月欲流，露蛩楓葉共啼秋。  
城烏半夜驚飛起，只為離人白盡頭。

多事池邊促織兒，聲聲哀怨旅魂知。  
干戈滿地無機杼，長夜辛勤說與誰。

伐木丁丁谷響傳，榱桷樸樛共成烟。  
扶桑不是人間樹，因見滄溟變稻田。

愁極每將歌當哭，歸來不覺笑成狂。  
蓬山縹緲鯨鯢外，一夕

相思九斷腸

未夜西風嫋嫋來露華如玉委蒼苔碧鷄啼落山頭月腸斷  
槐根夢不回

憶昔二首

憶昔上林花發時黃蜂採蕊亂蝶參差如今花落枯枝在付與  
秋虫掛網絲

憶昔揚州看月華滿城絃管滿人家可憐今夜中秋月獨照  
寒蛩泣細沙

呼燈

溽暑蒸人百體柔中宵揮汗想清秋西風一夜吹庭樹蘄起

呼燈問散裘

磨石岡作

磨石岡頭雲濕衣謝公墩上雨霏霏西風忽捲殘陽出臨水  
登山忘却歸

夜坐二首

露泣寒將噤斷魂風驚簷鐸語黃昏羈愁悄悄成危坐看盡  
空墻上月痕  
蟲響莓苔葉響廊月光如雪露如霜銅壺管領催華髮一夜  
應添百刻長

送別

送別江頭日欲沉  
落潮風急鳥歸林  
秋雲恰似人情薄  
秋水還同客恨深

無寐

夜長無寐待鳴雞  
及至雞鳴夢却迷  
驚起朝陽斜照屋  
一眉殘月在天西

棲鳥

歸鴈將秋入楚天  
薄雲開月伴愁眠  
露寒葉動棲鳥起  
一叫千聲落枕邊

羲和

斷梗枯莖付野蒿  
冷風涼雨剝征袍  
羲和只在嵎夷宿  
自是

金烏未發毛

紈扇

樹頭風露咽玄蟬  
錦褥新張竹簟捐  
紈扇團團霜雪色  
好歲篋筭待明年

漫成二首

沉水香銷金博山  
月滿樓臺深夜寒  
瑤琴弦絕不可彈  
葉落烏啼尋夢難

江水如天月如水  
落葉蕭蕭夜風起  
一寸愁心千萬里  
不見行人應未已

六韋類詠史

天雨天下

卷七

六

六雄糜沸擾天綱天下嗷嗷望禹湯多事秦皇能一統却教  
人憶楚懷王

天與聰明作大君應天在實豈虛文重瞳若解行仁義不在  
芒碭五色雲

武木木有感 七首

物換星移事已迷重來舊處惑東西可憐如鏡天邊月獨照  
棲鳥半夜啼

焚書千古訝嬴秦逃難茫茫走縉紳尚憶商山近京洛白頭  
容得採芝人

甲楯孤棲死不疑那將宗社換西施想應嘗膽秋風夜恰似

無忘構李時

鴻鴈來時月滿天客途僮僕自相憐荒村觸眼惟茅屋榆柳  
蕭疎起暮煙

黍穗高低菊有華塵居恰似野人家夕陽日向西墻過只為  
微生換鬢華

魚鹽充牣稻梁肥誰寤繁華是禍機日暮無人唁亡國寒雅  
猶帶夕陽飛

漫漫陽春不見秋人生得意總忘愁茱萸謝盡芙蓉發清夜  
吹笙月滿樓

送金華何生還鄉覲省 五首

金華山色翠亭亭曾駐仙人白玉軒  
羨汝結廬松柏裏卧看鸞鶴下青冥

尚想高人何北山談經論道此山間  
故家文物依然在似汝須歸玉筍班

漫漫東風吹綠蘂行人江上發歸軒  
想應今夜春山月華髮蕭蕭正倚門

樓外桃花紅錦披當花把酒映花枝  
慈親飲酒看兒咲記摘桃花洗面時

送兒出去望兒歸看盡雛鴉弄夕暉  
清曉開門兒却到蠨蛸飛上老萊衣

春日雜興 八首

采石磯頭春水平長干橋下暮潮生  
誰能載酒尋芳草楊柳堤邊信馬行

過雨柔柔綵綬新涵風細麥碧波勻  
鳴鳩語燕聲相應又是人間一度春

春霧宜宜木葉稠蒼鷹拂羽化為鳩  
莫將松桂夸桃李柱下先生早白頭

日自西馳水自東落花飛絮總隨風  
舊巢燕子今何處烟雨庭臺似夢中

花競嬌娆草競芳縱橫只是為春忙  
天桃穠李先飄落不及

薔薇與海棠

細雨冥冥書掩扉更無芳草有垣衣人生一世邯鄲夢老病無眠夢亦稀

雨隱滄江霧隱山鄉關迢迢寄書難病來只盼春風到不擬

春風曉更寒

日出江空曉氣柔白蘋風起渚烟收夜來一餉三更雨送盡

飛花入海流

題陳大初畫扇

三絕

一道滄江隔戰塵白蘋風起浪鱗鱗新亭滿眼神州淚未識

中流擊楫人

泛湖浮海兩如何滿地悲風起白波爭似乘槎隨博望玉繩

光裏看山河

水淨沙明一葉舡釣絲牽月過長川五湖何地宜生理我欲

從之問計然

七月七日

百年佳會幾今宵脉脉相看一水遙漫道天孫解專巧却教

鳥鵲為成橋

夜泊桐江驛

伯夷清節太公功出處非邪豈必同不是雲臺興帝業桐江

無用一絲風

即景 二首

江城五月冷脩脩  
細雨微風拂面愁  
汀蓼不知猶是夏  
競開丹粟滿枝頭

薄寒輕雨細如絲  
風滿長川棹去遲  
漠漠野田將暝色  
纖纖汀草欲青時

御柳 二首

御柳青青陰綠池  
迎春擢秀不遺時  
皇恩天地同生育  
雨露無私爾最知  
漫漫春風入舜韶  
綠楊舒葉乳鶯調  
君王不為娛聲色  
無用辛勤學舞腰

茗溪皇甫秀才幽居 二首

玄晏先生一草廬  
萬竿脩竹五車書  
日高無客來驚夢  
自謂公侯總不如

天目山前茗水流  
野華啼鳥自春秋  
滄浪清濁吾何預  
坐聽松風咲許由

遣興

萋萋芳草掩重門  
幾樹斜陽照斷魂  
坐愛微風起蘋末  
月明簷鐸語黃昏

梅花七絕句

風林凋盡碧琅玕  
的皜梅花好自看  
霜白月明殘雪夜  
一枝

成意伯文集

卷七

三

立

危拂斗杓寒

群山積雪慘晴曦石裂玄冰萬木披不是孤芳貞不撓陽和  
争得上枯枝

紫府仙人萼綠華暫拋瓊苑到天涯斷魂應化為蝴蝶夜夜  
歸來阿母家

稀疎寒玉小樓東骨冷魂清五夜風惟有翠禽憐寂寞一雙  
相倚月明中

蓋宮仙子媿雲鬟姑射神人薄鍊顏借問高標誰得似白頭  
蘇武在天山

瓊跗玉葉兩依依搖落空山物色微青女不知幽獨意忍寒

猶自妬芳菲

微陽穉綠未能還四海昆虫總閉關只有梅花見天意先將  
春色到人間

雪甲三首

竈下孤烟鬱曉炊簷前寒鳥啄枯籬瓊瑤滿地無行跡正是  
衣安獨卧時

一夜雪深一尺餘平明鳥雀噪階除移床漫向明窓下圖得  
清光好照書

漠漠隨風結遠埃輕輕糝地集枯荻春前有意呈三白知是  
陽和次第來

雪後遣興

朝寒布穀應時鳴起向回廊獨自行殘雪未消簷影寂滿庭  
幽草看春生

一  
絕句二首立春夜聞蛙鳴作

鬼門竹管動輕灰春色先從地底來月落江城聞畫角五更  
殘夢一時回

輕輕細雪點枯池嫋嫋東風拂樹枝春到草根人未覺夜來  
先有蟄蛙知

絕句九首

異鄉風景不知春滿地蒼苔一病身睡起無人問幽獨杜鵑

聲在綠楊津

花自飄零草自榮何須惆悵獨關情高軒日未成危坐隔水  
風來聞鍛磬

雨餘烟柳約青絲風過芹塘澹碧漪正是愁來無着處綠陰  
庭館暮寒時

一樹穠華半夜風平明枝上十分空黃蜂紫蝶紛紛去留得  
蒼苔藉碎紅

槐葉陰陰覆短墻微風細雨麥秋涼如何一歲三春景不及  
閑窓午夢長

淮水東邊舊六朝瓊樓翠館白雲銷于今只有垂楊柳猶似

當時舞細腰

花落江臯宿雨晴野烟消盡見蕪城鳳簫一去無回日不及

年年綠草生

天塹長江似海深江頭山鬼笑埋金東家釀酒西家醉世上英雄各有心

暖風吹帳日光遲恰似清和四月時黃鳥不知人嬾起未明啼上綠楊枝

風來聞半山寺二首

王家廢寺舊聞名荆棘花開鳥自鳴深夜狐狸穿破塚佛燈爭似鬼燈明

奸邪變法事多端氣談興妖膽自寒漫道諂諛堪媚佛竟將佛作麼人看

絕句漫興十一首

風光何故惱閑人我欲乘槎一問津滿地綠陰迷斷夢五更啼鳥不勝春

兔葵燕麥舊人家曾唱南朝玉樹花寒暑又隨風日轉東陵誰種邵平瓜

莫道花開便是春莫言沙漲即成津南風過了東風起愁殺江頭待渡人

新鷓枝上語如絲似與羈魂話所思不用登樓看草色白蘋

香散已多時  
相思舉目萬重雲  
燕去鴻來杳不聞  
漫說黃金能得士  
只今誰是望諸君  
五湖風雨夜  
垂綸一葉扁舟  
一粟身  
至竟雲濤歸大壑  
烟波還屬釣魚人  
病客無錢試藥方  
出門聊復信行藏  
爭知頭上蕭蕭髮  
却與遊絲較短長  
池面新荷貼小錢  
荷心點點露珠圓  
開花結子應堪待  
亂荇空萍正可憐

嬋嬋江風轉白蘋  
輕花亂盞看成塵  
誰能蕪取生犀角  
采石

磯頭照水神

日落群山返照餘  
槐陰夢覺夕陽初  
夜閑不畏更籌短  
收取流螢映讀書

白鷺洲邊白鷺鷺  
一雙相對立  
襜褕日斜隔水  
分明見不分  
人間有別離

只空賦漫成三首

八駿茫茫去不回  
白雲歌曲使人哀  
鯨魚風起鯨鯢湧  
青鳥何由海上来

豈問二首

瞿塘怒水激天風  
回首童顏變老翁  
落日長年鳴櫓過  
白鷗飛出浪花中

微涼生袂一登樓落照歸鴉點點愁誰似孤雲獨無事隨風  
直到海西頭

不雨遣悶二首

朝霞不作黃昏雨暝靄徒為白晝風日上高林啼布穀聲聲  
只在短牆東

池上芹泥即漸乾梁間燕子拾蟲難綠窓無限傷春意看盡  
斜陽更倚闌

雨餘

枯池得雨鬧群蛙蛩蟪含漿總有家為愛微涼宜曉夢不知  
晴日滿庭沙

無題絕句二首

花自飄零水自流無情有恨月如鈎十年一枕三更夢贏得  
風烟滿地愁

後夜蛾眉約淺黃河邊猶繫上繩光不知何處藤蘿上全見  
姮娥一面粧

春愁

可嘆春愁獨苦辛為誰成繭却焚身不如無用蜘蛛網網盡  
蜚虫不畏人

晚興

腐草餘光滅又明微風不起夕涼生絕憐一餉池塘雨只得

青蛙半夜聲

晴起

濃綠當軒日上遲病身只與晴相宜覺來却恹恹周蝶繞盡  
殘枝過別枝

喜雨寄夏允中五絕

好雨知時五月零豆苗瓜蔓一時青老夫亦起中庭立兩眼  
看天似醉醒

隱隱輕雷不起風濛濛密雨遍長空枯根發秀新莖長小草  
那知造化功

渙汗如蒸被體流日高強起倦梳頭多情一夜千山雨消盡

人間萬斛愁

水鶴長鳴應九陵山雲處處上如蒸定知谷鮒從今後不向  
西江乞斗升

魚跳鷺落時  
江暗天低雨脚垂屋鳥驚瀉入枯池却憐似鏡新荷葉不見

無題

槐映高樓柳映舞風來唯有鷓先知長應別殿黃昏後記得  
金宮妬寵時

將曉

月落總餘白練光清天清露結為霜東風可是無情思吹出

新榜一樹黃

江行雜詩九首

采石江頭山插天江泉激石鳴湘絃十年戰血汚江水水中  
鬼神應醉眠  
三生磯上星滿灘白烟如雪浮林端水妃夜解玉佩去清淚  
滴成紅木難

馬當之山中江中其下乃是馮夷宮良宵月出江水底行人  
喜甚天無風

九龍山西西日沉江雲壓地生層陰汀洲無人蘆葉響地虎  
一聲風滿林

皖口孤城江水傍城上猶有愁雲黃豺狼魑魅相食盡忠魂  
白日長垂光

桑落洲邊春草生宜城九醞空傳名百年世事同醉夢愁聽  
野猿啼到明

江盤峽東雷彭浪孤山如筆江中央坤靈不放厚地裂應有  
潮汐通扶桑

長江水濁湖水清石鍾濤擊鯨魚鳴山頭出雲山下雨楊瀾  
左尋何時平

江州太守文儒宗罵賊就死真從容天翻地覆元氣在斯人  
萬古其猶龍

鍾山作十二首

紫桂吹香媚小山月華的皪滿林間坐來涼氣生虛室知是山雲作雨還

松蘿滿塔星在天草虫相吊響如絃寶公塔上西風急半夜林鴉不得眠

九月江南葉未黃空山松栢夜深涼玄蟬且莫催徂景留取幽蘭依晚香

玄武湖中草自秋石城下水長流繁華過眼成今古更與牛羊競一丘

春去秋來榮復衰花殘葉落總堪悲誰能句曲山中去乞取

茅君一馬騎

北斗闌干夜未央鐘殘虛牖出天香佛燈相對坐宵寂墜露滿林生白光

一炷清香一卷經世間無事是山僧何須更卓飛空錫長使時人恨不能

月落山空霧未開風生咆虎響如雷樹頭鷲鵲相呼起欲下還飛一百迴

白鴈蕭蕭柿葉紅野花開盡六王宮空餘一道秦淮水著意西流竟向東

策杖登山信早涼山花澗草總能香捫蘿抱水歸來倦不掃

蒼苔卧石床

嫋嫋西風散白蘋冥冥落日起黃塵青娥不分秋客寂故染

楓林似老人

槁葉含風彈夜絃蟋蟀凄啾蒼寒蟬鷄鳴埭上繁華子莫向

秋霜惜盛年

有感

浪動江淮戰血紅羽書應不達宸聰紫微門下逢宣使新回

湖州召畫工

題畫魚二首

為愛濠梁樂有餘故拈兔穎寫成圖秋風忽憶銀絲鱸腸斷

松江隔具區

九戩無人誅鱗魴河墳有客歎牂羊不知生意能多少爭得

鯤鮪滿尺長

無題三首

一片浮雲萬里心海波無底未為深虞淵險迫羲和疾空使

傍人詫鄧林

玉樹沉沉結夜愁金陵蔓草沒荒丘誰言錦纜江都去不見

金陵蔓草秋

黃鵠高飛雲路遐野鳧謀食但泥沙山中樗櫟年年在看盡

西風木槿花

題墨菊

粲粲金英美可餐  
九秋風露與清寒  
墨君莫妬天然色  
終遣靈均怨子蘭

題沙溪驛

澗水彎彎繞郡城  
老蟬鳴作車輪聲  
西風吹客上馬去  
夕陽滿川紅葉明

過閩關九首

關頭霧露白濛濛  
下斜陽照樹紅  
過了秋風渾未覺  
滿山杭稻八閩中

崇梨三兩花  
建溪激箭向南流  
石齒如鋒鬪客舟  
篙子踏歌渾不畏  
行人遙望替生愁

驛路高低度嶺關  
堯離人語雜夷蛮  
江花巧似駝茸白  
山果渾如碼碯般

飯浙香瓊酒漱霞  
驛亭到處只如家  
征夫但恐咨詢闕  
莫向天涯怨路賒

漠漠輕雲結晚陰  
依依斜日掛遙岑  
炊烟忽起柴榆上  
散作鮫綃抹半林

道上黃埃撲馬鞍  
汗流如水透中單  
忽驚疎雨林梢過  
急換

羅衣更怯寒

劍水悠悠南去深黃茅苦竹自成林日烘溪霧生秋瘴風攪

山霏作晝陰

嶺上高秋生火雲狂雷送雨忽紛紛鷓鴣更叫空山裏縱是

無愁亦厭聞

題畫紅梅

水晶宮裏玉真妃宴罷瑤臺步月歸行到赤城天未曉冷霞

飛上綠銖衣

題扇面牡丹花

沉香亭畔月華流掌上孤鸞鏡裏愁舞罷春風却回首六宮

紅粉總包羞

題扇面荷花

玉井芙蓉紅粉腮何人移向月中栽高軒忽漫看圖畫疑是

昭陽曉鏡開

秋日即事 十五首

秋風吹雨冷脩脩堦下金錢爛漫愁鴻鴈不來巢燕去草蟲

辛苦獨知秋

楊柳新栽半出籬夜深鳥鵲自驚枝露涼月淡空煙暝啼到

金鷄報曉時

九月東風露不寒螿蛄相慶語簷端野人便擬開荒徑剩種

忘憂與合歡

搖落江臯草滿煙秋光何處不堪憐夜涼銀漢低城闕卧聽  
蛩聲似筦絃

春華秋草兩悠悠素髮多情却滿頭落葉自隨流水去遠山  
空帶夕陽愁

垂垂客雨鞦韆楊點點青苔繪短牆不是鴈聲天畔過爭知  
今日是重陽

秋氣蕭條宋玉悲西風唯有鴈相宜秦淮岸上青青草想見  
繁霜未落時

寒星無數月如鈎槁葉呼風入敝裘人世可憐唯有老鏡中

憔悴夢中愁

掛壁青釭照不眠相看到此亦堪憐露寒霜重殘螢盡腸斷  
秋風憶往年

病眼昏昏四顧迷獨行潭似雪中鷄花開葉落真成夢愁聽  
門前過馬蹄

槿華數樹夕陽時收拾秋光在短籬自紫自紅還自碧祇應  
獨有暮蟬知

滿天星月一庭煙坐掩衡門思悄然漫想明珠成薏苡却嫌  
黃菊似金錢

疎雨鳴簷月在雲馬蹄初歇夜將分鴈行却向城頭過何處

砧聲隱隱聞  
 江上秋高暑未歸  
 照書猶有數螢飛  
 東風可是憐游子  
 不遣看天憶授衣  
 北風吹鴈過  
 蕭蕭旅館青燈共  
 寂寥蓬髮一時成  
 白雪老來禁得幾  
 秋宵  
 題水墨海棠鸚鵡  
 隴山鸚鵡白霓衣  
 欲語誰聽只自知  
 漫漫東風吹不起  
 海棠花上立多時

太師誠意伯劉文成公集卷之十七終

